

M Chinese

Vol. VII

6 7


VII

7

醫學正傳

卷七 目錄

會文堂書局印行



醫學正傳卷之七目錄

婦人科 經候

論

脈法

丹溪方法 凡三十三條

固經丸

崩漏有虛有熱

加味四物止血方

崩漏因氣所使方

婦人病宜用當歸說

帶下是溼熱為病

帶下是胃中痰積

肥人帶下濕痰方

治白帶方

結痰帶下小胃丹

又治白帶方

羅先生治帶方

治帶黃荊子方

帶下必須斷厚味

四物湯為婦人眾疾總司說

一人頭風帶下方

東垣治帶主寒

調經升陽除溼湯

赤白葵花治帶說

涼血地黃湯

固真丸

酒煮當歸丸

烏藥湯

丁香膠艾湯

助陽湯

水府丹

當歸芍藥湯

黃芪當歸人參湯

柴胡調經湯

升陽舉經湯

益胃升陽湯

當歸附子湯

柴胡丁香湯

調經補真湯

延胡苦楝湯

人參補氣湯

桂附湯

黃芪白朮湯

補經固真湯

增味四物湯

溫胃補血湯

立効散

四聖散

溫經除溼湯

桃仁散

通經下取方

通經丸

膠艾湯

加減四物湯

元戎加味四物湯

香附一物丸

艾附丸

地黃通經丸

益母丸

苦楝丸

丹溪活套

祖傳通經秘方

又月經不通方

祖傳血崩方

又補傳血崩方

已試醫驗一條

婦人科胎前論

附期嗣法

脈法

丹溪方法凡四條

固胎飲

安胎飲

安胎丸

又丹溪方法凡三條

懷妊嗜物說

胎動說

胎漏方

又胎漏方

又胎漏方

胎痛方

心腹諸痛方

又妊娠心腹疼痛方

心腹諸痛凡四方

川芎散

妊娠腰痛如折方

妊娠腰脚腫痛方

胎腫方

惡阻方

半夏茯苓湯

孕婦嘔吐醫按

參橘散

小膠艾湯

又膠艾湯

妊娠下血不止方

妊娠下血如月信來方

胎孕無故下血方

胎動衝心煩悶方

妊娠因舉重仆跌方

妊娠遺尿失禁方

子煩方

治子煩犀角散

治子煩當歸飲

治子煩竹瀝湯

產寶澤瀉散

張仲景方法

木通散

金生白朮散

鯉魚湯

紫蘇飲

天仙藤散

安榮散

地膚子湯

治子淋方

冬葵子散

車前散

忘憂散

葛根湯

防己湯

消風散

天門冬飲

百合散

緩息丹

八味丸

丹溪參朮飲

丹溪轉胞論

安胎散

如聖散

加味四物湯

苧根湯

桑寄生散

羚羊角散

歸涼節命散

白扁豆散

芩窮補中湯

當歸芍藥湯

芩朮香連丸

妊娠泄瀉方

芩蘇散

升麻六物湯

妊娠傷寒體痛方

傷寒安胎方

又妊娠傷寒方

催生散

妊娠咳嗽方

妊娠嗽紅痰方

小產下血不止方

小產後心腹痛方

安榮湯

兒在腹中叫哭方

又治鳴胎方

丹溪束胎丸

丹溪達生散

臨月養胎方

催生散

紅莧馬齒墮胎說

難產多是氣血虛說

難產多見於安逸說

金匱當歸散

金液丸

催生鉛丹

如神丹

如聖散

香桂散

來麝散

霹靂奪命丹

無憂散

催生奪命如神丹

芩歸湯

奪命丹

黑龍丹

胞衣不下方

枳殼散

藥石禁

飲食禁忌篇

臨產須知凡十九條

難產說

灸難產法

橫倒產方

又治橫生方

又橫逆不順方

礙產說

兒身向未順說

治盤腸產法

子死腹中方

下死胎牛膝丸

子死腹中不出方

又治子死腹中方

生子下血過多方

胞衣不下方

丹溪活套

祖傳經驗秘方

又祖傳催生驗方

祖傳治胞衣不下三退飲

婦人科產後論

脈法

丹溪方法凡十六條

嚴氏清魂散

愈風湯

新產不可用芍藥

產後乳汁不通方

產後泄瀉痢方

乳母小水短少說

產婦損破尿脬

黑神散

人參當歸散

當歸黃芪湯

失笑散

三聖散

抵聖散

當歸羊肉湯

茯苓散

當歸散

黃芪湯

增損四物湯

四物一黃散

產寶黑龍丹

烏金散

調經散

正脾散

栢子仁散

琥珀散

交感地黄煎丸

七珍散

調中湯

定痛散

麻仁丸

羊肉湯

滋腸五仁丸

固經丸

熟乾地黄散

拒勝湯

八味理中丸

旋覆花湯

四神散

當歸養血丸

猪腎子飲

當歸黃芪飲

當歸散

桃仁膏

硫黃湯

乳汁不通方

漏蘆湯

鍾乳散

母猪蹄湯

丹溪活套

醫學正傳卷之七

花溪恆德老人虞搏天民編集

婦人科上月經

論

內經曰二陽之病發心脾有不得隱曲女子不月其傳為風消為息奔者死不治難經曰心出血肝納血肺出氣腎納氣蓋婦人百病皆自心生如五志之火一起則心火亦從而燔若夫經閉不通之証先因心事不足由是心血虧耗故乏血以歸肝而出納之用已竭經曰母能令子虛是以脾不磨而食亦少所謂二陽之病發心脾者此也二陽有因陽明也食少故肺金亦失所養而氣滯不行則無以滋腎陰況月經全藉腎水施化腎水既乏則經血日以乾涸以致或先或後淋瀝無時若不早治漸而至於閉塞不通甚則為癥瘕血膈勞極之証不易治也又如崩漏不止之証先因心火亢甚於是血脈泛溢以致肝實而不納血出納之道遂廢經曰子能令母實是以肝腎之相火挾心火之勢亦從而相扇所以月水錯經妄行無時而泛溢也若不早治漸而至於崩中不息甚則化為白濁白淫血枯發熱勞極之症不可治矣經曰邪氣盛則實正氣奪則虛所謂心血不足者正氣奪也心火亢甚者邪氣盛也邪氣者相火也丹溪曰天非此火不能生物人非此火不能有生但貴乎

適中凡動必聽命乎心君則無已上諸証大抵經閉不行與夫經漏不止其初皆由心事不足以致月經不調早不調治直至危篤求醫雖妙手莫能為矣東垣經閉不行有三論崩漏不止亦有三論學者宜參究其論以治之不可拘泥也

脈法

脈經曰寸口脈微而濇微則衛氣不足濇則榮氣無餘衛不足其息短其形躁血不足其形逆榮衛俱虛言語謬誤跌陽脈微而濇濇則胃氣虛虛則短氣咽燥而口苦胃氣濇則失液少陰脈微而遲微則無精遲則陰中寒濇則血不來此為居經三月一來脈微血氣俱虛年少者亡血也乳子下利為可不者此為居經三月一來

脈微弱而澁年少得此為無子中年得此為絕產

寸口脈沈而遲沈則為水遲則為寒寒水相搏跌陽脈伏水穀不化脾氣衰則驚澹胃氣衰則身體腫少陽脈卑少陰脈細男子則小便不利婦人則經水不通經為血不利則為水名曰水分

寸口脈沈而數數則為出沈則為入出則為陽實入則為陰結跌陽脈微而弦微則無胃氣弦則不得息少陰脈沈而滑沈則為在裏滑則為實沈滑相搏血結胞門其藏不瀉經絡不通名曰血分 經水前斷後病水名曰血分此病難治先病水後經斷

名曰水分此病易治

婦人帶下六極之病脈浮則為腸鳴腹滿緊則為腹中痛數則為陰中痒痛則生瘡弦則陰戶掣痛

婦人帶下脈浮惡寒漏下者不治

婦人寸口脈浮而弱浮則為虛弱則為血浮則短氣弱則有熱而自汗出

跌陽脈浮而濇浮則氣滿濇則有寒喜噫吞酸其氣時下小腹則寒

少陰脈滑而數者陰中生瘡

少陰脈數則氣淋陰中生瘡

少陰脈弦者白腸必挺核

少陰脈浮而動浮則為虛動則為痛婦人則脫下

婦人漏血下赤白日下血數升脈急疾者死遲者生

婦人漏下赤白不止脈小虛滑者生大緊實數者死

婦人疝瘕積聚脈弦急者生虛弱小者死

少陰脈浮而緊緊則疝瘕腹中痛半產而墮傷浮則亡血惡寒絕產

肥人脈細胞中有寒故令少子其色黃者胸上有寒

婦人月經一月再來者經來其脈欲自如常而反微不利不汗出者其經二月必來

方法

丹溪方凡
三十三條

丹溪曰經候有枯閉不通者有不及期與過期者有妄行者有色紫黑及淡者有成塊者有作疼者夫經不通或因墮胎及多產傷血或因久患潮熱銷血或因久發盜汗耗血或因脾胃不和飲食少進而不生血或因痢疾失血治宜生血補血除熱調胃之劑隨証用之或因七情傷心心氣停結故血閉而不行宜調心氣通心經使血生而經自行矣虛中有熱月事不來以四物湯加黃芩治之

常過期者血少也以芎歸參朮兼痰藥治之

過期紫黑有塊作痛血熱也以四物湯加香附黃連治之

過期色淡挾痰者以二陳湯加芎歸治之

常不及期者血熱也以四物湯加黃芩黃連香附肥人多兼痰藥治之

血枯經閉者以四物湯加紅花桃仁治之

痰多佔住血海地位因而下多者目必漸昏肥人多有之以南星蒼朮川芎香附作丸

服之

肥人軀脂滿經閉者以導痰湯加芎歸黃連不可服地黃泥膈故也如用必以薑汁炒

肥人少子亦由痰多脂膜閉塞子宮不能受精而施化也宜服上藥

瘦人子宮無血精氣不聚亦令無子以四物湯養血養陰等藥治之

經水未行臨經將來作疼者血實也一曰瘀血鬱滯也以四物湯加桃仁香附黃連紅
花或加玄胡索莪朮木香有熱加柴胡黃芩

經水行後而作疼者氣血俱虛也以八物湯加減煎服

夫血為氣之配因氣而行成塊者氣之凝將行而痛者氣之滯行後作痛者氣血虛也
色淡者亦虛也而有水以混之也錯經妄行者氣之亂也紫者氣之熱黑則熱之甚
也今人悉指為風冷而行溫熱之劑禍不旋踵

調經散治經水或前或後或多或少或踰月不至或一月兩來皆可服

川歸酒洗一錢半

麥門冬去心二錢

吳茱萸擇去閉目者沸湯泡七次焙乾半錢

人參去蘆一錢

半夏湯泡七次一錢

白芍藥一錢

川芎一錢

牡丹皮去心一錢

肉桂半錢

阿膠珠

甘草各七分半

右細切作一服水二盞加生薑三片煎至一盞空

心稍熱服

月經過期不行宜服和經湯

當歸一錢半

川芎半錢

熟地黃一錢

白芍藥一錢

桃仁三十箇去皮尖研

紅花 三分

香附米 一錢

熟桂 半錢

木通 八分

蓬莪朮 一錢

甘草 五分

蘇木 一錢

右細切作一服水一盞半煎至一盞空心溫服

月經先期而來宜服安經湯

歸身 一錢

川芎 半錢

白芍藥 八分

生地黄 一錢

阿膠珠 半錢

艾葉 半錢

條芩 一錢

甘草 半錢

香附 一錢

黃柏 半錢

知母 半錢

黃連 半錢

右細切作一服水煎空心服

經不通用馬鞭草杵汁熬膏為丸或燒存性為丸紅花當歸煎湯送下

固經丸治經水過多不止

黃芩

龜板

白芍藥

各一兩

樗根白皮

半錢

黃柏

炒三錢

香附

童便浸一宿焙乾二錢半

右為細末酒糊為丸如梧桐子大每服七十九白湯下

崩漏有虛有熱虛則下溜熱則流通急則治其標用白芷煎湯調下百草霜服或棕櫚

灰或狗頭骨燒存性或伍靈脂半生半炒俱以酒調服後以四物湯加乾薑調補之

緩則治其本四物湯加芩連參芪香附乾姜之類

四物湯加荊芥穗條芩止血神効

崩漏多因氣所使而下香附末一錢炒黑歸身一錢白芍藥一錢酒炒熟地黄一錢川

芎黃氏蒲黃地榆人參各半錢白朮一錢升麻三分煎服甚者加棕梠灰為末酒調服
婦人血病宜用當歸若肥白人與人參黃氏同用瘦黑人宜與生地黃香附同用
帶下是溼熱為病白屬氣赤屬血以二陳湯加蒼朮治溼為主氣虛入參朮血虛入芎
歸

帶下是胃中痰積流下滲入膀胱當升之無人知此以二陳湯加蒼白朮升麻柴胡甚
者上用吐法以提其氣下用二陳加二朮仍用瓦壺子以燥其溼痰

肥人帶下多是溼痰用海石半夏南星黃柏蒼朮川芎香附檮皮冬加乾姜瘦人少有
此病有者是熱以滑石檮皮川芎海石青黛丸服

結痰帶下以小胃丹津液嚥下數次候積下後以補藥調治

一方治白帶

檮白皮

山茱萸

苦參

香附各五錢

龜板酥炙

枳子各二兩

黃柏一兩

乾姜

貝母各二錢半

白芍藥七錢半

右為細末酒糊為丸服

又方

白芷

四兩以石灰半斤淹三宿濾去灰以白芷炒焦為末清米飲調空心服之

又方以黃荊子一味炒焦為末米飲調服上可治心痛下可治白帶以其能燥溼痰也

羅先生治帶用十棗湯神祐丸玉燭散此法實者可用虛者不可峻攻

帶下必須斷厚味凡用藥寒月少加姜附臨機應變用之

一人上有頭風鼻涕下有白帶用南星蒼朮酒芩辛夷川芎黃柏炒焦滑石半夏牡蠣

粉丸服

四物湯乃婦人眾疾之總司也

當歸

川芎

白芍藥

熟地黃

右細切等分水煎服

東垣治崩漏帶下多主於寒學者宜并思之不可一途而論經曰陰虛陽搏謂之崩觀此

可知

東垣曰葵花白者治白帶赤者治赤帶用之果驗

東垣調經升陽除濕湯治女子漏下惡血月事不調或暴崩不止多下水漿之物皆因飲

食不節勞倦所傷或素有心氣不足致令心火乘脾必怠惰嗜臥困倦乏力氣短氣急

脾主滋榮周身者也脾胃虛而心胞乘之故漏下月水不調也況脾胃為血氣陰陽之

根蒂也當除溼去熱抑風氣上伸以勝其溼又云火鬱則發之

當歸圖說

獨活各半錢

蔓荊子七分

防風

炙甘草

升麻

藥本各一錢

柴胡

羌活

蒼朮

黃芪

各一錢半

右細切作一服水五盞煎至一盞去粗空心溫服少時以早飯壓之可一服而已
如灸足太陰脾經中血海穴三七壯亦已 此藥乃從權之法因風勝溼為胃氣下
陷而氣迫於下以救其血之暴崩也住後必須服黃芪人參炙甘草當歸之類數服
以補之於補氣升陽湯中加和血藥便是也若遇夏月白帶下脫漏不止宜用此湯
一服立止

涼血地黃湯治婦人血崩是腎水陰虛不能鎮守胞絡相火故血走而崩也

黃芩 荊芥穗 蔓荊子各一分半 黃柏 知母 藁本 細辛

川芎各二分 黃連 羌活 柴胡 升麻 防風各三分 生地黄

當歸各半錢 甘草一錢 紅花少許

右細切作一服水三大盞煎至一盞去粗空心稍熱服

^{東垣}酒煮當歸丸治癩疔白帶下疰脚氣腰以下如在水雪中居火炕以厚衣重蓋猶寒肌

肉消瘦小便與白帶長流而不禁固面白目青目眊眩無所見身重如山行步欹側腿
膝枯細大便閉澀心下痞悶懷食不下面垢背寒此上中下三陽俱虛脈沈緊而澀
按之空虛洪而無力尤為中寒之証乃氣血俱虛之極也

茴香五錢 黑附子炮 良姜各七錢 當歸一兩

右四味細切以好酒一升半煮至酒盡焙乾

炙甘草

苦棟生用

丁香各半

木香

升麻各一

柴胡二錢

炒黃鹽

全蝎各三

玄胡索四錢

右與前四味同研為細末酒煮麪糊為丸如梧桐子大每服五七十九空心淡醋湯送下忌油膩冷物及酒溼麪等

固真丸治白帶久下不止臍腹冷痛陰中亦痛目中溜火視物昏花齒惡熱飲但喜乾食此皆寒溼乘於胞內肝經陰火上溢故目中溜火其惡熱飲者陽明經中伏火也法當大瀉寒溼以此丸治之

黃柏酒洗

白芍藥各半

柴胡

白石脂各一錢火煨水飛研

白龍骨酒煮水飛日乾

為末當歸酒洗各一錢

乾姜四錢炮

右除龍骨石脂水飛日乾另研外餘共為細末麪糊為丸如雞頭仁大日乾空心白

湯下少時以早飯壓之是不令熱藥犯胃也忌生冷硬物酒溼麪

東垣烏藥湯治婦人血海疼痛

當歸一錢

甘草

木香各五分

烏藥一錢

香附二錢

右細切作一服水二盞煎至一盞食前溫服

垣助陽湯治白帶下陰戶中痛空心面急痛身黃皮緩身重如山陰寒如水

生黃芩

橘紅各五分

防風

高良姜

乾姜

郁李仁

甘草各一錢

柴胡一錢二分

白葵花三分

右細切分作二服每服水二盞煎至一盞去粗食前稍熱服

棟

丁香膠艾湯治崩漏不止蓋心氣不足勞役及飲食不節所得其脈兩尺俱弦緊洪按

之無力自覺臍下如冰冷白帶及白滑之物多間有如屋漏水下時或有鮮血右尺脈時或浮洪

熟地黃

白芍藥各三錢

川芎

丁香各四分

阿膠珠六分

生艾葉

錢

當歸一錢二分

右以川芎地黃丁香另為細末其當歸芍藥艾葉各細切連前共六味入水五大盞煎至一盞半去粗入阿膠再上火煎至一大盞稍熱空心服

水府丹治婦人久虛積冷經候不行癥瘕痞塊腹中暴痛面有黧黯黎黑羸瘦

砂仁紙隔湯淋熱取

紅豆已上各五錢

桂心另為末

木香

乾姜各一兩

砂仁二兩

花蕊石煨研一兩半

斑貓一百箇去頭足

生地黄汁

童子尿各一升

臘月狗膽七枚

元靖二百箇去頭足糯米一抄同炒黃色去米

右九味為細末同三汁熬為膏和丸如雞頭實大硃砂為衣每服一丸食前細嚼溫酒送下米飲亦可

東垣黃芪當歸人參湯治婦人經水暴崩不止先因損身失血自後一次縮一十日而來其後暴崩不止蓋因其人心窄性急多驚而心氣不足及飲食不節得之診得掌中寒脈沈細而緩帶數九竅不利四肢無力上喘氣促口鼻氣不調脾胃虛弱胃腕當心而痛左脇縮急當臍有動氣腹鳴下氣大便難宜先治其本餘証可去安心定志和脾胃益元氣補血養神以大熱劑去其寒少加生地黃去命門相火不令四肢痿弱

黃連二分

生地黃三分

炒神麴

橘紅

桂枝各五分

草薺各六分

黃芪

人參

麻黃

不去節各一錢

當歸身一錢半

杏仁

各五分研如泥

右細切作一服水二盞半先煎麻黃令沸掠去沫煎至二盞下諸藥同煎至一盞食

前服立止又以草薺薹丸十五丸以止胃腕客寒之痛再與肝積之藥除其病根

東垣

當歸芍藥湯治婦人經水漏下不止其色鮮紅時值炎月先因勞役脾胃虛弱氣短氣

逆自汗不止身熱悶亂不思飲食四肢困倦大便時泄後復因心氣不足經水暴下不

止微覺氣不行氣逆氣短懶於語言此藥主之

柴胡二分

炙甘草

生地黃各三分

黃芪一錢

陳皮連白

熟地黄各五分

蒼朮米泔浸

白朮

川歸

白芍藥各一錢半

右細切作一服水二盞煎至一盞空心溫服

柴胡調經湯治經水不止其色鮮紅項筋急腦痛脊骨強痛不安

炙甘草

當歸身

葛根各三分

獨活

藁本

升麻各半錢

柴胡

七分

羌活

蒼朮各一錢

紅花少許

右細切作一服水二盞煎至一盞空心溫服取微汗立止

益胃升陽湯治婦人經候凝結黑血成塊左廂有血痕水泄不止食有時不化後血塊

暴下并水泄俱作是前後二陰有形血脫竭於下既久經候猶不調水泄日三四行食

罷煩心飲食減少人形瘦弱血脫益氣古聖人之法也先補胃氣以助生發之氣故曰

陽生陰長諸甘藥為之先務蓋甘能生血陽生陰長之理也人身以穀氣為寶故先

理胃氣為要

柴胡

升麻各五分

炙甘草

當歸身酒洗

陳皮各一錢

人參有嗽不用

炒神麴各一錢二分

黃芪一錢半

白朮二錢

生黃芩二分

右細切作一服水二盞煎至一盞去粗熱服如腹中痛加白芍藥三分中桂少

許如渴或口乾加葛根三分不拘時服

東垣升陽舉經湯治經水不止右尺脈按之空虛是氣血俱脫大寒之証輕手其脈數疾舉

指弦緊或澀皆陽脫之証陰火亦亡見熱証於口鼻眼或渴此皆陰躁陽欲先去也當溫之舉之升之浮之燥之此法乃大升浮血氣補命門之下脫

內桂夏月不用

白芍藥各二分

紅花半分

細辛三分

人參

熟地黃

川芎各半分

獨活根

黑附子炮

炙甘草各七分半

羌活

藁本

防風各一分

白朮

當歸

黃芪

柴胡各一分二錢

桃仁泥

少許

右細切分作二服每服用水二大盞煎至一盞空心熱服

東垣當歸附子湯治臍下冷痛赤白帶下

當歸四分

炒鹽三分

蠍稍

升麻各五分

甘草炙六分

柴胡七分

黃柏少許為引用

附子炮一錢

乾姜炮

良姜各八分

右細切作一服水三盞煎至一盞去粗稍熱服或為細末酒麪糊為丸亦可

東垣調經補真湯冬後一月微有地泥水津其白帶下陰戶中寒一服立止

獨活

乾姜炮

藁本

防風

蒼朮各二分

麻黃節不去

炙甘草

人參去蘆

當歸身

白朮

生薑各五分

升麻各五分

黃芪七分

良姜

澤瀉

羌活各一分

柴胡四分

杏仁二枚

桂枝

少許

白葵花七葉去萼

右細切作一服除黃芩麻黃另外先以水三大盞煎麻黃一味令沸掠去沫入餘藥同煎至二盞再入生黃芩煎至一盞空心服之候一時許可食早飯

東垣柴胡丁香湯治婦人年三十歲左右臨經先腰膺痛甚則腹中亦痛經縮三二日

生地黃五分

丁香四分

當歸身

防風

羌活各一錢

柴胡二分

全蝎一枚

右細切作一服水二盞煎至一盞去粗食前稍熱服之

東垣延胡苦楝湯治臍下冷撮痛陰冷大寒白帶下

黃柏一分

延胡索

苦楝子各二

附子炮

肉桂各三

炙甘草

分五熟地黃一錢

右細切作一服水二盞煎至一盞食前溫服

東垣桂附湯治白帶腥臭多悲不樂大寒証

黃蘗為引

知母各五分

肉桂五分

附子炮三錢

右細切作一服水二盞煎至一盞空心溫服如少食常飽腹中滿悶加白芍藥半

錢如不思飲食加五味子二十箇如煩惱面上如虫行乃胃中元氣極虛加黃

芪一錢半人參七分炙甘草升麻各半錢

東垣人參補氣湯治四肢懶倦自汗無力

丁香末二分

生甘草

炙甘草各三分

生地黄

白芍藥各半錢

熟地黄

升麻各七分

人參去蘆

防風去蘆

羌活

黃柏

知母

當歸身

升麻各七分

柴胡一錢

黃芪一錢半

全蝎一箇

五味子二十箇

右細切作一服水二大盞煎至一盞空心稍熱服

東垣黃芪白朮湯治婦人四肢沈重自汗上至頭頸惡風頭痛躁熱

細辛二分

吳茱萸

川芎各三分

柴胡

升麻各四分

當歸身六分

黃柏酒洗

炙甘草

羌活各八分

五味子一錢

白朮

人參各一錢半

黃芪二錢半

右細切作一服水二大盞生姜五片煎至一盞去粗食前稍熱服

東垣增味四物湯治婦人血積血瘕

當歸

川芎

白芍藥

熟地黄

京三稜

乾漆炒燂盡另研

肉桂去粗

皮廣茂各等分

右細切每服五錢水二大盞煎至一盞去粗空心溫服

水補經固真湯治婦人白帶下流不止其心胞尺脈微細蓋始病血崩久則血少復亡其

陽故白滑之物下流不止所謂崩中日久為白帶也乃本經血海枯竭津液復亡不能

滋養筋骨以本部行經藥為引用以大辛甘油膩之藥潤其枯而滋津液以大辛熱之

藥補其陽道生其血脈以苦寒之藥泄其肺而救上熱傷氣以人參補之以微苦溫之

藥為佐而益元氣

白葵花

研爛四分

陳皮

五分不白

生黃芩

細研另入

郁李仁

去皮尖研如泥

甘草炙

柴胡

錢各一

乾姜

細末

人參二錢

右細切除黃芩外以水三盞煎至一盞半入黃芩同煎至一盞去粗空心熱服少時以早飯壓之

東垣

溫胃補血湯治婦人耳鳴鼻不聞香臭口不知穀味胃氣不快四肢困倦行步欹側髮脫落食不下膝冷陰汗帶下喉中啞啞不得臥口燥咽乾太息頭不可以回顧項筋緊急脊骨強痛頭旋眼黑頭痛噴嚏

生地黃

白朮

藿香

黃柏

牡丹皮

蒼朮

王瓜根

陳皮

吳茱萸

各三分

當歸身

四分

柴胡

人參

炙甘草

地骨皮

各五分

升麻

生甘草

各六分

黃芪一錢

丁香

一箇

桃仁

三分

白葵花

七朵

右細切作一服水二大盞煎至一盞食前熱服

東垣

立效散治婦人血崩不止

當歸

蓮花心

白綿子

紅花

茅花

已上各一兩

右剉如豆大白紙包裏泥固火煨存性為細末每服三錢 如乾血氣研血竭為引
溫酒調服或加輕粉半錢如血崩甚不止加射香為引溫酒調服

東垣四聖散治婦人赤白帶下

川烏炮 生白礬錢各一 紅娘子三箇 斑猫十箇

右為細末煉蜜為丸如皂子大綿裹塞陰戶中

東垣溫經除溼湯治婦人值冬月四肢無力乃痿厥溼熱在下焦也醋心者是濁氣不下降

欲為中滿也合眼麻木作者陽道不行也惡風寒者上焦之分皮膚中氣不行也開目不麻者陽道少行而陰寒之氣暫退也頭旋目眩者風氣下陷於血分不得伸越而作也近火則有之

黃連二分 柴胡 草豆蔻 神曲炒 木香各三分 麻黃不去根節

獨活 當歸身 黃柏 升麻 羌活各半錢 炙甘草 人參

白朮 猪苓 澤瀉各七分 黃芪 陳皮 蒼朮各一錢 白芍藥半錢

右細切作一服水二大盞煎至一盞食遠服治肢節痠痛無力之勝藥也

產後寶桃仁散治婦人月水不調或淋瀝不斷斷後復來狀如瀉水虛弱不進飲食腹中堅痛

不可行動月水或前或後或經月不來舉體沉重惟欲眠臥多思酸物

桃仁去皮尖炒另研

甘草炙

半夏各三分

赤芍藥

生地黄各一錢

澤蘭葉

川牛膝

當歸

桂心

牡丹皮

人參

蒲黃

川芎各七分

右細切作一服加生姜三片水二盞煎至一盞空心溫服

產通寶經下取方曾經試驗神效

海蛤粉半兩

苦葶藶

牙皂各二錢半

巴豆各去油

天花粉

苦丁香

紅娘子各一錢半

射香

右為細末每用一錢葱涎同搗為丸薄綿裹以五寸竹管納陰戶中候熱時先通黃

水次則經行

產通寶經丸治婦人室女月經不通或成血瘕疼痛

桂心

青皮

大黃酒濕紙裹煨

川椒

莪朮

乾姜

川烏炮去皮

乾漆碎炒烟盡

當歸

桃仁去皮尖熬炒研如泥各等分

右為細末將四分之一以米醋熬成膏和餘藥末成劑臼中杵勻丸如梧桐子大每

服二十九空心淡醋湯下漸加至三四十丸溫酒亦可下性畏漆者入雞子清和藥

內

良方膠艾湯治勞傷氣血衝任虛損月水過多淋瀝不止

阿膠炒成珠

川芎

甘草炙各半錢

當歸

艾葉各七分半

熟地黃

白芍藥各一錢

右細切作一服水一盞半煎至一盞溫服

一方加地榆黃芪見胎前門

良方加減四物湯治經候微少漸致不通手足煩大形瘦潮熱脈息微數

本方去地黃川芎加澤蘭葉三倍甘草半分

如經候過多本方去熟地黃加生地黃

如經行身熱脈數頭昏本方加柴胡黃芩

如經行微少或脹或痛四肢疼痛本方

加延胡索沒藥白芷共為末以淡醋湯調下

如經候不調心腹疼痛只用芩歸二

味煎服名君臣散以歸倍於芩也

元戎加味四物湯因氣衝經脈故月事頻併臍下多痛本方加白芍藥

如經欲行臍腹

疼痛本方加玄胡苦楝檳榔木香

如經水過多本方加黃芩白朮

如經水澀少

本方加葵花紅花

如經水適來通斷或往來寒熱宜先服小柴胡湯以去寒熱然後

以四物湯和之或以二方併服名柴胡四物湯

產香附一物丸治經候不調血氣刺痛腹脇彭脹頭眩惡心崩漏帶下並宜治之

香附子

并去皮毛不拘多少米醋浸一日夜用瓦鉶煮令熟焙乾

右為細末醋糊為丸如梧桐子大日乾每服五十丸淡醋湯下

產實艾附丸治証如前

香附子

醋煮一斤

艾葉

四兩

當歸

二兩

右為細末醋糊為丸服

產實地黃通經丸治婦人經候不行結成血痕在臍下如覆杯

熟地黃

三兩

蜜虫

去頭足炒

水蛭

糯米同炒去米

桃仁

各五箇

右為細末煉蜜為丸如梧桐子大每服五十丸空心溫酒下未和加至七八十丸

良方益母丸治婦人赤白帶惡露時下不止及治婦人胎前產後及經中諸般奇病無所不療

益母草

一名茺蔚子紫花方莖俗名野天麻五月採陰乾磨為細末勿犯鐵器煉蜜為丸如彈子大每服一丸用熱酒加童便化下兼氣者木香湯化下或只以末

子母服二錢或酒或童便調下此婦人之仙藥也

苦楝丸治赤白帶下最妙

苦楝

浸酒

茴香

炒

當歸

各等分

右為細末酒糊為丸如梧桐子大每服五十丸空心溫酒送下

丹溪活套曰

凡婦人經候不調皆當以四物湯為主治如經候過而腹中作痛綿綿無休息者屬

血虛本方倍當歸熟地黃無氣虛者本方加人參黃芪挾寒者加乾姜如經候將來

腹中陣陣痛乍作乍止者血氣實也本方用生地黃加黃連香附桃仁紅花玄胡索牡

丹皮之類 如經水常不及期而行者血熱也本方用生地黃加黃連黃芩白芷之類

如經水常過期而來者瘦人多應是血少本方倍當歸熟地黃加黃芪甘草少佐以

紅花桃仁泥以為生血之引用也 肥人大概是氣虛挾痰阻滯升降然也本方去地黃

加參芪甘草茯苓半夏陳皮香附等藥 常過期而紫黑成塊者血熱也多作腹痛本

方用生地黃加香附黃連玄胡索五靈脂乳香沒藥之類 過期而血淡色者痰多血

少也本方用生地黃合二陳湯煎服 肥盛婦人或二三箇月一行者痰盛而軀脂閉

塞經脈以導痰湯加芳歸香附蒼白朮之類 如經水適來適斷往來寒熱如瘧者本

方合小柴胡煎服 如經行過三五日腹中綿綿走痛者此血行而滯氣未盡行也本

方加木香枳榔煎服立愈

祖傳經驗秘方治婦人室女月經不通漸成脹滿及治男子墜馬跌撲損傷以致瘀血

停積欲成血蠱病者悉皆治之名曰桃奴飲子

桃奴 桃樹上嫩桃乾朽不落者冬月及正月收 猴鼠糞 即雄鼠糞也兩頭尖者是

五靈脂 各炒以上 砂仁 去皮尖

右各等分為細末每服三錢空心溫酒調下

一方法治月經不通只以鼠糞一合略炒研細溫酒調下立効

又方治婦人血崩不止用蒼耳草燒存性好酒調服立止或調入四物湯中亦効
一老婦人年五十三血崩久不止諸藥不効予以椽斗蒼耳草根二物燒存性用四物
湯加白芷茅花乾姜煎湯調服其經血自此而止再不行矣

婦人科 中胎前

論

內經曰陰搏陽別謂之有子

謂陰脈搏手其
中別有陽脈也

是為血氣和平陽施而陰化也蓋為人之夫

婦猶天地然天地之道陰陽和而後萬物育夫婦之道陰陽和而後男女生是故欲求嗣
者先須調其婦之經脈經脈既調則氣血和平氣血和平則百病不生而樂乎有子矣脈
經曰診其手少陰之脈動甚者妊子也蓋手少陰心脈也心主血脈故也又腎為胞門子
戶尺中腎脈按之不絕當妊子也又曰婦人妊娠一月之時足厥陰脈養之二月足少陽
脈養之三月手少陰脈養之四月手少陽脈養之五月足太陰脈養之六月足陽明脈養
之七月手太陰脈養之八月手陽明脈養之九月足少陰脈養之十月足太陽脈養之是
以諸經脈各養三十日也若夫至期當養之經虛實不調則胎孕為之不安甚則下血而
墮矣夫手足十二經氣血盈虧不同如手足厥陰太陽少氣多血手足太陰少陰少血多
氣手足少陽氣多血少手足陽明氣盛血多安胎之法宜各按月依經視其氣血虛實而

調之固無胎墮之患其或感冒風寒別生異証又宜各按法而調治之機要曰治胎產之病當從厥陰經論之母犯胃氣及上二焦謂之三禁不可汗不可下不可利小便若發汗者如傷寒下早之証利大便秘者則脈數已動于脾利小便者則內亡津液胃中枯燥制方之法能不犯三禁則榮衛自和而寒熱止矣皆醫者之繩墨也其為妊娠之婦早當絕去嗜慾安養胎元性宜靜而不宜躁體宜動而不宜安味宜涼而不宜熱衣宜溫而不宜寒毋久立毋久坐毋久行毋久臥又宜卻去一切肥甘煎煇油膩辛辣鹹酸水果魚蟹狐兔鴿雀之類即無胎漏胎動下血子腫子癰等証及橫產逆生胎死腹中之患矣丹溪曰難產之婦皆是八九箇月內不能謹慾以致氣血虛故也傳曰古者婦人妊子寢不側坐不偏立不蹕不食邪味割不正不食席不正不坐目不視邪色耳不聽淫聲口不出傲言夜則令警誦詩道正事則生子形容端正才過人矣古所謂胎教也妊娠之婦可不慎歟

附期嗣論

夫人欲求嗣必先視其婦之經脈調否其或未調必以藥而調之經脈既調宜以人事副之按其法而行之庶不失其候也訣云三十時中兩日半二十八九君須算落紅滿地是佳期金水過時空霍亂霍亂之時枉費工樹頭樹底覓殘紅但解開花能結子何愁丹桂不成叢此蓋婦人月經方絕金水纔生此時子宮正開乃受精結胎之候妙合太和之時

過此佳期則子宮閉而不受胎矣然男女之分各有要妙存焉如月候方絕一日三日五日交會者成男二日四日六日交會者成女過此則不孕矣又云陰血先至陽精後衝縱氣來乘血開最精陰外陽內則成坎卦之象而為男若陽精先入陰血後參橫氣來助清開最血陰內陽外則成離卦之象而為女若胎成三月之內男女未分之時亦有轉女為男之術其法以鉄斧一柄置於妊婦床蓆之下勿令人見知更佩雄黃一二兩於妊婦身左或佩萱花亦可已上三法皆驗不可輕忽傳曰不孝有三無後為大古詩云無官一身輕有子萬事足誠哉是言也無學者宜深思之無怠

脈法

脈經曰婦人三部脈浮沈正等按之無絕者妊娠也 妊娠初時寸微小呼吸五至至三

月而尺數也 脈滑疾重以手按之散者胎已三月也脈重手按之不散但疾不滑者

五月也 妊娠四月脈左疾為男右疾為女俱疾為生二子 又法得太陰脈為男得

太陽脈為女 又法左手沈實為男右手浮大為女左右手俱沈實生二男左右手

俱浮大生二女 又法尺脈左偏大為男右偏大為女左右手俱大生二男大者如實狀

又法左右尺俱浮當作沈為生二男不爾則女作男生左右尺俱沈當作浮為產二女不

爾則男作女生也 此男女兼形之說也

婦人懷娠脈離經而浮設腹痛引腰脊為欲生也 又法婦人欲生其脈離經半夜

覺日中即生也 懷娠六七月脈實大牢強弦緊者生沈細者死 懷妊至六七月

暴下斗餘水其胎必倚而墮此非時孤漿預下故也 寸口脈洪而濇洪則為氣濇

則為血氣動丹田其形則溫濇在於下胎冷若冰陽氣胎活陰氣必終洪則為氣者生濇則為血

死者欲別陰陽其下必彊假令陽經蓄血若杯陰為死胎陽為蓄血問婦人雙胎其一獨死其一

獨生醫為下其死者其病則愈然後竟免軀其脈何以別之師曰寸口脈衛氣平調

榮氣緩舒陽施陰化精盛有餘陰陽俱盛故知雙軀今少陰微緊血則濁凝經養不

周胎則偏夭少腹冷滿膝臍疼痛腰重起難此為血埋若不早去害母失胎 婦人

經自斷而有軀其脈反弦恐其後必大下不成胎也大下謂大下血也

方法丹溪方法凡四條

丹溪曰婦人無子者多由血少不能攝精俗醫悉謂子宮虛冷投以辛熱之藥煎熬臧

府血氣沸騰禍不旋踵或服艾者不知艾性至熱入火灸則下行入藥服則上行多服

則致毒咎將誰執

瘦怯婦人子宮乾澀宜滋陰養血四物加香附黃芩之類肥盛者乃軀脂滿溢閉塞子

宮宜行溼燥痰南星半夏川芎滑石防風羌活一本有蒼朮無防風羌活或導痰湯之類

墮胎乃血氣虛損不能營養胎元而自墮耳猶枝枯則果落幹萎則花墜也又因恚怒傷情內火便動亦能墮胎猶風撼其木人拊其枝也火能銷物造化自然病源乃謂風冷傷於子臟未得病情者也大抵屬虛屬熱二者又當視其輕重而治之
一婦有胎即墮其脈左大無力重取則澹乃血少也以其妙年只補中氣使血自榮濃煎白朮湯調黃芩末一錢服之至三四兩得保全而生

固胎飲

熟地黃

歸身尾

人參

白芍藥

白朮

川芎

陳皮

甘草

桑樹上羊兒藤七葉圓者

愚恐當作如檢桑葉圓者即俗名桑絡也真桑寄生尤妙

少加黃連黃柏入糯米五七十粒煎服血虛不安者加阿膠珠胎氣痛者加縮砂

安胎飲孕成之後覺胎氣不安或腹微痛或腰間作疼或飲食不美宜服或至五六箇月常服數貼甚好

白朮

當歸

白芍藥

熟地黃

人參

川芎

條黃芩

陳皮

各半錢

甘草

砂仁

紫蘇

各三分

右細切作一服加生姜三片水煎服

安胎丸

白朮

條芩

神效炒各等分

右為細末粥丸每服五十丸清米湯下蓋白朮條芩乃安胎之聖藥也

丹溪曰天行不息所以生生而無窮堯尉子活血行氣有補陰之妙命名益母以其行中有補也故曰胎前無滯產後無虛 條芩白朮乃安胎之聖藥俗以黃芩為寒而不用反謂溫熱藥能養胎殊不知胎孕宜清熱養血使血循經而不妄行乃能養胎黃芩必取細槌沈實者用之 縮砂安胎以其止痛行氣故也砂仁非八九箇月內不宜多用 懷妊嗜物乃一藏之虛如受酸物乃肝臟止能養胎而虛也

胎動者因火逼動胎逆上作喘急用條芩香附之類

胎漏謂有胎而血漏下也屬氣虛有熱用四物湯加阿膠珠白朮條芩縮砂炒香附炒加糯米白水煎服

又方治胎漏下血

條芩五錢

白朮一兩

砂仁炒

阿膠炒成珠各三錢

右為細末每服二錢煎艾湯調服水煎服亦可

又方

枳壳炒

黃芩各半兩

白朮一兩

水煎食前溫服

良方胎痛宜用當歸地黃湯

當歸一錢

熟地黃二錢

右細切水一盞半煎至一盞溫服

產實心腹諸痛凡妊婦偶有所傷腹痛不安或從高墜下重物所壓觸動胎元痛不可忍及下血者甚妙

砂仁

不拘多少

和皮略炒勿令十分焦黑去皮取仁為末熟酒調服不飲酒者米飲或

艾湯鹽湯皆可調服如覺胎中熱其胎即安矣此方即驗大抵妊婦不可缺此常服安胎易產

產實凡妊婦二三箇月忽心腹疔痛不安用

當歸三錢

阿膠二錢

甘草二錢

葱白四錢

右細切分作二服每服用水貳盞煎至一小盞溫服

產實凡妊婦四五箇月忽心腹疔痛

大棗

十四枚炒令黑

鹽一錢

右為末取一撮許酒調服之立愈

產實治妊娠心腹大痛氣欲絕者

川芎

川歸

茯苓

製朴各一兩

右細切作一服用水三升煎至一升分二服立飲而愈

產寶川芎散治婦素有冷氣沖心如刀刺者

川芎 一錢

人參

吳茱萸 各半錢

茯苓

桔梗 各四分

當歸 一錢

制朴 半錢

芍藥 七分半

枳殼

炙甘草 各三分

右細切作一服水一盞半煎至一盞稍熱服

產寶姙娠腰痛如折不能轉側

鹿角 半兩

右以火燒令赤酒淬再燒再淬以碎為度細末酒調服

產寶治姙娠腰脚腫痛

白茯苓

白朮

乾姜

甘草 各一錢

杏仁 三錢去皮尖研

右細切作一服水一盞半煎至一盞溫服

胎腫謂有胎或手足或頭面通身浮腫者是也屬溼多或用山梔子一合炒為末米湯

調下丸服亦可

惡阻乃有孕而惡心阻其飲食者是也多從痰治用二陳湯之類 又方以白朮為丸

服 一曰肥人是熱痰瘦人是熱

半夏茯苓湯治惡阻不食吐逆頭眩四肢怠惰煩疼惡寒自汗

半夏

湯炮七次透過心姜汁拌炒黃色

生姜 各一錢

茯苓 七分

熟地黃

陳皮 去白

桔梗

旋覆花此藥不用

人參

芍藥

甘草炙

川芎各半錢

右細切水煎空心服 千金方有紫蘇細辛各半錢

一婦孕兩月嘔吐頭眩醫以參朮川芎陳皮茯苓服之愈重脈弦左為甚此惡阻病必怒氣所激問之果然肝氣既逆又挾胎氣參朮之補大非所宜以茯苓湯下抑青丸二十四粒五服稍安脈略數口苦乾食即口酸噫其膈間滯氣未盡行以川芎陳皮梔子生薑茯苓煎湯下抑青丸十五粒而愈但口酸易飢此肝熱未平以熱湯下抑青丸二十粒愈後兩手脈平和而右甚弱其胎必墮此時肝氣既平可用參朮以防之服一日而胎自墮矣

良方參橘散治妊娠三月內惡阻吐逆不食或心虛煩悶

橘紅

茯苓各一錢

麥門冬

白朮

厚朴姜制

甘草炙各半錢

右細切作一服加生薑三片竹茹一錢或加人參一錢水一盞煎七分溫服

良方小膠艾湯治妊婦因顛仆挫跌胎動不安或胎墮上逼心或腹痛血下

阿膠炒成珠一兩

艾葉二兩

指迷方加秦艸一兩

右細切用水三升煎至一升半分三服

膠艾湯不問月數淺深安胎極妙

熟地黄

艾葉

當歸

甘草炙

川芎

阿膠各半錢

黃芪二分半

右細切作一服水一盞半煎至一盞溫服

產寶治妊娠下血不止胎上沖心四肢厥冷悶仆欲死

阿膠炒

艾葉各一兩

竹茹如拳大

白砂蜜二合

右用水二升煎至一升入蜜更煎一二沸分二服

產寶治妊娠下血如月信來者若致胞乾非特損子亦能損母

熟地黄

乾姜炮各一兩

右為細末每服三錢一日夜三四服

產寶治胎孕無故下血腹痛不可忍或下黃汁如漆如水如豆汁者

野苧根炒

生銀各一兩

右用水酒各一盞煎至一盞去粗分作二服不拘時服

產寶胎動沖心煩悶欲死安胎止痛

當歸酒洗

川芎

人參

阿膠炒

甘草炙各一兩

葱白切一升

右用水七升煎至三升分三服

產寶妊娠因舉重仆跌損傷胎氣不安或子死腹中

川芎一兩

右為細末每服一匕連進三服死胎即下

治妊娠遺尿失禁

白薇

白芍藥

各等分

右為細末酒調方寸匕日三服

子煩 妊娠苦煩悶不安又曰心煩熱悶謂之子煩

麥門冬

茯苓

防風

知母 各一錢

右細切作一服用水二盞煎至一盞入竹瀝一二匙服

犀角散治子煩

犀角屑

地骨皮

條芩

麥門冬

赤茯苓

各一錢

甘草

半錢

右細切作一服水一盞半煎至一盞入竹瀝一合溫服

良方當歸飲治子煩

當歸 一錢半

川芎

阿膠珠

豆豉

桑寄生

各七分半

葱白

七莖

右細切作一服水一盞半煎至一盞溫服

竹瀝湯治子煩

竹瀝 一合

防風

黃芩

麥門冬

各一錢

白茯苓

一錢半

右細切作一服水一盞半煎至一盞去粗入竹瀝再煎數沸溫服

產寶澤瀉散治妊娠氣壅身腫腹脇浮腫喘急氣促小便閉澀不利謂之子滿

澤瀉

桑白皮

枳壳欬炒黃色

檳榔

木通

赤茯苓各等分

右細切每服四錢加生姜五片水一盞煎八分溫服

金匱張仲景白婦人本肌肉肥盛頭舉自滿今反羸瘦頭舉中隆胞系了戾亦多致此病但利小便即愈宜服腎氣丸蓋藥中有茯苓故也地黃為君功在補胞

良方木通散治妊娠身體浮腫四肢脹急小便不利謂之子腫

一通錢

木香

訶子皮各三分

香薷一錢

枳壳炒半錢

檳榔半錢

桑白皮一錢

條芩半錢

紫蘇莖葉一錢

右細切作一服加生姜三片水一盞半煎至一盞溫服

產寶全生白朮散治妊婦面目虛浮肢體腫脹名曰子腫

白朮一兩

生姜皮

大腹皮

陳皮

茯苓各半兩

指迷方用茯苓

苓皮多桑白皮無朮 右為細末每服二錢米飲調下

產寶鯉魚湯治妊娠腹脹滿或通身浮腫小便不利或胎死腹中此方甚驗

當歸

白芍藥各一錢

白茯苓一錢半

白朮二錢

橘紅半錢

鯉魚一尾不小

右細切作一服將鯉魚去鱗腸白水煮熟去魚用汁一盞半生姜七片煎至一盞空

心服當見胎水下如水去未盡或胎死腹中脹悶未除再合一劑服之水盡脹除為度
方紫蘇飲治胎氣不和湊上心腹脹滿疼痛謂之子懸

大腹皮 川芎 白芍藥 陳皮 紫蘇葉 當歸各六分 人參

甘草各三分

右細切作一服加生姜三片蔥五莖水煎服

^產天仙藤散治妊娠三月成胎之後兩足自脚面漸腫至膝行步艱難喘悶妨食若水腫

甚至足指間有黃水出者謂之子氣

天仙藤洗淨畧炒即青木香藤也 香附子炒 陳皮 甘草 烏藥 木香各等分

右細切每服三錢加生姜三片紫蘇五葉水煎日三服腫消止藥

^產安榮散治妊娠小便澀少遂成淋瀝謂之子淋

麥門冬 通草 滑石 當歸 燈心草 甘草各五錢 人參

川芎各一兩

右為細末每服二錢煎麥門冬湯調下 此方恐滑石太重而滑胎若胎臨月可用

若六七箇月已前俱不可輕用宜去此味或加梔子篇蓄白榆之類最穩瞿麥亦恐

損胎不可用也

簪
地膚子湯治子淋小便澀數

地膚草

與芥菜相似
各名白也

車前子

各一錢

知母

去毛炒

黃芩

赤茯苓

白芍藥

枳殼

各七分
炒黃色

升麻

通草

甘草

各三分

右細切作一服水一盞半煎至一盞溫服

又方治子淋

地膚草

四兩

右以水四升煮取二升分三服或新取地膚草搗取自然汁服亦可不

獨治子淋凡小便淋閉服之無不効驗

外

冬葵子散治子淋小腹疼痛胎動不安

冬葵子

炒

柴胡

去蘆

桑白皮

赤茯苓

赤芍藥

當歸

各等分

右細切每服四錢水一盞半加姜三片葱白七寸煎至一盞去粗溫服

外

車前散治子淋或小便不通下焦有熱

楨榔

木通

陳皮

去白

赤茯苓

車前子

赤芍藥

當歸

滑石

石葦

炙去毛

右各等分每服五錢水一盞半煎至一盞溫服

外

忘憂散治妊娠心經蘊熱小便赤澀不利淋瀝作痛

琥珀不拘多少

萱草根一握

右以琥珀研為細末每服半錢濃煎

局方葛根湯治妊娠臨月忽發風煙悶亂不省人事吐逆眩倒少時醒後復發謂之子癰

貝母心去

葛根

牡丹皮

防己

防風

當歸

川芎

桂心

熬白茯苓

澤瀉各半錢

甘草炙二分

獨活

石膏

人參各半錢

右細切作一服水二盞煎至一盞溫服日三服其貝母令人易產未臨月者以升麻

代之忌蒜菜

局方防己湯治妊娠中風口噤四肢強直角弓反張

防己五錢

羌活一錢半

右為細末別用黑豆一合炒焦黑投好酒中沸定去豆調藥末掬開口灌之稍醒再

灌有效

局消風散治妊娠頭眩目眩視物不見顯頰腫核

石膏煨

甘菊花去萼

防風去蘆

荆芥穗

羌活

羚羊角鎊

川芎

大豆黃卷炒

當歸酒浸洗

白芷各半錢

甘草二分半

右細切作一服加芽茶半錢水一盞半煎至一盞食後溫服

局方天門冬散治妊娠外感風寒久嗽不已謂之子嗽

天門冬

紫苑茸

知母去毛酒洗

桑白皮蜜炙各一錢

五味子

桔梗去蘆

各半錢

右細切作一服水一盞半煎至一盞嗽血者加阿膠半錢大便澀者加苦

亭厯子半錢

局方百合散治妊娠咳嗽心煩不欲飲食

百合

紫苑茸

麥門冬

桔梗去蘆

桑白皮各一錢

甘草半錢

竹茹一錢

右細切作一服水一盞半煎至一盞入蜜半匙再煎二三沸去粗服溫

金匱八味丸治妊娠小便不通名曰轉胞亦治子淋此腎氣丸加桂心附子炮各一兩是也

緩息丹

丹溪參朮飲治妊娠轉胞

四物湯加

人參

白朮

半夏湯泡

陳皮

甘草

右細切加姜水煎服

丹溪曰轉胞之証胎婦之稟受弱者憂悶多者性急躁者食味厚者庸或有之古方皆用滑利藥鮮有應效因思胞不自轉為胎所壓轉在一邊胞系了戾不通耳胎若舉起居於其中胞系自疎水道自利夫胎之墜下必有其由吳宅寵人患此兩手脈似牆重按似弦左稍和予曰此得之憂患墮為血少氣多則胎氣弱而不能舉弦為有飲血少則

胎弱氣多有飲中焦不清而墮則胞知所避而就下乃以已上藥與服隨以指探喉中吐出藥汁候少頃氣定又與之次早亦然至八貼安猶恐此法偶中後又治數人亦效方安胎散治妊娠胎寒腹痛胎熱多驚舉動腰痛腹滿胞急卒有所下或因頓仆閃肭或食毒物或感冒時疫寒熱往來致傷胎藏並皆治之

。川芎

枳殼熟炒黃各錢半

熟地黄三錢

糯米一合

右細切作一服水一盞半生薑三片大棗一枚更加金銀三五錢同煎至一盞溫服實如聖散治妊娠腹痛胎動不安

鯉魚皮

當歸

熟地黄

阿膠炒成珠

白芍藥

川芎

川續斷

酒浸

甘草炙各等分

右細切每服四錢水一盞半生薑三片芎麻根半錢許煎至一盞溫服 一方加乾

姜竹茹無續斷

方加味四物湯治妊娠下血不止

本方加艾葉三十片

阿膠珠一錢

右細切每服四錢水一盞半加烏梅肉少許同煎至一盞熱服連進三四服即止

方良芎根湯止血安胎

野苧^{二兩}用酒水各一盞入金銀同煎至一盞溫服

良方桑寄生散治妊娠下血不止胎動不安

桑寄生 川歸 川續斷 川芎 香附子 阿膠^炒 茯神

白朮 人參 甘草^{各半錢}

右細切作一服加生姜三片水一盞半煎至一盞溫服

良方羚羊角散治妊娠中風頭項強直筋脉攣急言語蹇澁痰涎壅盛或時發搐不省人事謂之子癰

羚羊角^鎔 獨活 酸棗仁^炒 五加皮^{各八分} 薏苡仁 防風

當歸 川芎 茯神 杏仁^{各四分} 木香 甘草^{各二分}

右細切作一服加生姜三片水煎服

產寶歸涼節命散治妊娠面赤口苦舌乾心煩腹脹等証

川芎 苧根 白芍藥 麥門冬 川歸 白朮 糯米

荆芥穗 甘草^{各半錢}

右細切作一服水一盞半煎至一盞入蜜一匙服

白扁豆散治妊娠誤服草藥及諸般毒藥毒物

白扁豆

生去皮

右為細末清米飲調方寸匕神效

良方 芳藟補中湯養新血去瘀血補虛扶危

阿膠珠

五味子

乾姜 各四分

黃芪 蜜炙

川歸 酒浸

白朮

川芎

赤芍藥 各七分

人參

杜仲 炒

甘草 炙各三分

右細切作一服水一盞半煎至一盞溫服後有一方名同多木香治小產

局方 當歸芍藥湯治妊娠下痢赤白腹中疝痛

白芍藥 一錢

當歸

白茯苓

澤瀉

白朮

條芩 各半錢

甘草

黃連

木香

檳榔 各三分

右細切作一服水一盞半煎至一盞溫服 如白痢腹痛甚者恐有寒也去苓連加

乾姜三分

產寶 芳朮香連丸治証同前

阿膠珠

白朮 各五錢

乳香

木香 各二錢半

枳殼 麸炒

乾姜 炮各二錢

黃連 一兩茱萸同炒

砂仁 炒

川芎 各五錢

右為細末醋糊為丸如梧桐子大每服三十丸白湯下

產寶 治妊娠泄瀉兩脇虛鳴臍下冷痛由食瓜果生冷等物及當風取涼所致者

訶子皮煨

白朮各一錢

陳皮

良姜炒

木香

白芍藥酒炒

炙甘草各半錢

肉豆蔻麝香煨半錢

右細切加生姜五片水一盞半煎至一盞溫服

產寶 芳蘇散治妊娠外感風寒渾身壯熱頭目眩運

紫蘇葉

川芎

白芍藥

白朮

麥門冬

陳皮

乾葛各六分

甘草三分

右細切作一服加生姜五片葱白三寸水一盞半煎至一盞溫服不拘時候

良方 升麻六物湯治妊娠六七箇月傷寒壯熱或發赤斑變異溺血

升麻三錢

梔子

杏仁

大青草

少草

甘草各一錢

右細切作一服加葱白三寸水一盞半煎至一盞溫服

活人 妊娠傷寒百節疼痛壯熱不急治即落胎

柴胡

乾葛

知母

石膏各六錢

大青八錢

梔子一兩

升麻

八錢

葱白十四莖

右細切用水七盞煎至三盞半分四服

活人 傷寒安胎

白朮

黃芩

各等分新瓦上炒令香

右細切每服三錢加生姜三片水煎服

活人治妊娠傷寒

柴胡 一錢

前胡

當歸 各七分

人參 四分

芍藥

生地黄 各六分

甘草 三分

右細切作一服加生姜三片葱白三莖水一盞半煎至一盞去粗溫服

產寶催生散治妊娠傷寒熱病胎死腹中身冷唇青不能自出

蒼朮 一錢

桔梗 半錢

橘紅 三分

白芷

桂心 去皮

甘草 炙各一分半

當歸 酒洗

乾姜 炮

厚朴

芍藥

半夏 炮透

川芎

枳殼 炒各

二分半

南木香

杏仁

炒另研各一分

右細切作一服水一盞半加生姜三片大棗一枚煎至一盞溫服未下再進一服

產寶治妊娠咳嗽

紫苑茸

麥門冬 各一錢半

桑白皮 蜜炙

杏仁 炒去皮尖研

炙甘草 各二分半

桔梗 去蘆炒三分

右細切加生姜三片竹茹一塊彈子大用水一盞半煎至一盞去粗入白蜜一蛤殼

許再煎數沸溫服

產寶 經娘痰嗽見紅

歸身

熟地黄

天門冬

麥門冬

紫苑各半錢

桑白皮蜜炙

杏仁

炙甘草

桔梗

片黃芩

五味子

阿膠炒成珠各二分半

右細切作一服痰盛加竹茹一團水煎入小蘗汁同服

錄驗 小產後下血不止

人參

黃芪

當歸

白朮

白芍藥

艾葉

甘草炙

阿膠炒

川芎

青皮

香附

砂仁

右各等分白水煎服

錄驗 小產後心腹疼痛

當歸

川芎

熟地黄

白芍藥各一錢

玄胡索七分

桃仁去皮尖研細

紅花各三分

香附子

青皮炒黑

澤蘭

牡丹皮各半錢

右細切水一盞半入童便酒各半盞煎至一盞溫服

產寶 安榮湯治胎氣不固時常小產宜預服此以固胎元

四物湯加阿膠珠香附子白朮條芩砂仁糯米桑寄生白水煎服

產寶 治兒在腹中叫哭

用多年空屋下鼠穴中土一塊令妊婦噙之即止

產寶又方用黃連三五錢濃煎汁時時呷下自止

一云臍帶上疔瘡乃兒口中含者因妊婦登高取物脫出兒口以此作聲令妊婦曲腰向地拾物使兒復得含入口中即止

丹溪束胎丸至七八箇月內服之

黃芩炒夏一兩春秋七錢冬五錢

白朮二兩

茯苓七錢半

陳皮三兩不見火

右為細末粥丸如梧桐子大每服三四十丸白湯下

升達生散孕至八九箇月內服十數貼甚好易產腹少痛

大腹皮原本三錢恐太多今用一錢先扯拔令淨用酒洗乾再用烏豆汁洗淨方可用恐鴉毒害人

人參 陳皮

紫蘇連莖葉各半錢

白芍藥 白朮

當歸各一錢

甘草炙二錢

右細切作一服外入黃楊腦七箇食少胎瘦者不須用葱五莖夏加黃芩黃連五味子春加川

芎防風秋加澤瀉冬加砂仁或通加枳殼砂仁胎動不安加金銀三五錢野苧麻根

一錢氣上逼心加紫蘇地黃性急加柴胡多怒或加黃芩佐之食少加砂仁神麴湯

加麥門冬黃芩能食倍加黃楊腦此物能瘦胎不長有痰加半夏黃芩

升臨月用以養胎方

當歸 川芎 黃芩 陳皮 白朮 香附各一錢 白芷半錢

甘草二分 右細切水煎調益元散一錢服虛者加人參七分

丹 催生散

白芷炒焦 百草霜 白滑石各等分 右為細末煎芎歸湯調下二三錢

丹 紅莧菜及馬齒莧俱能墮胎妊婦切忌臨產用以催生煮食亦效

丹 難產多是氣血虛亦有氣血凝滯而不能轉運者亦有因八九箇月內不能謹慾者

丹 難產多見於安逸鬱悶之人富貴奉養之婦其貧賤者未之有也古方瘦胎飲本為湖

陽公主設蓋以其奉養厚而氣實故為此方以耗其氣使氣血和平而易產耳非至論也

仲 金匱當歸散安胎養血清熱孕婦時常宜服

當歸 川芎 芍藥 白朮 條芩各等分

右為細末每服二錢溫酒或湯調服

方 金液丸治橫生倒產

飛生毛火燒臍下 血餘無病女人髮灰 公母羊糞已上各半錢燒灰 伏龍肝一錢

黑鉛三錢用小銚子火上鑪投水銀 右為細末用粽子尖為丸如菴荳大遇難

產以順流水送下五丸兒身自順而正產子母俱活矣

良方催生鉛丹治橫生逆產

黑鉛 一錢

右以小銚子火上鎔化投入水銀二錢急攪結成砂子傾出用熟絹紐作丸子如菜豈大臨褥以香水送下立產

如神丹治難產用巴豆三枚草麻子七枚去殼研入射香少許捏作餅子貼臍

詩曰巴三草七脫衣裳細研如泥入射香捏作彈丸臍下貼須臾子母便分張寶催生如聖散用黃蜀葵子不拘多少炒

右為細末每服二錢熱酒調下如不飲酒熱湯調亦可或以蜀葵花焙乾熱酒調下一錢亦效

詩曰黃葵子炒百餘粒研爛酒調濟宮急若還臨危難產時免得全家俱哭泣

產寶香桂散下死胎

射香半錢另研官桂三錢為末右件和勻作一服溫酒調下須臾即下

來甦散治孕婦欲產未產之時忽然暈悶不省人事

木香不見火神麴炒陳皮去白麥蘖炒黃芪去蘆生薑切碎炒黑

阿膠炒成珠白芍藥各半錢糯米半合苧根一錢甘草三分

右細切作一服水一盞半煎至一盞去粗餘開口灌下未醒再煎一服連接灌之即甦
產寶霹靂奪命丹治臨產未產之時目翻口噤面黑唇青口中沫沫子母俱殞命在須臾若
兩臉微紅子死母活急用此藥救之

蛇退一條瓶

千里馬路上左足草鞋一隻燒灰一錢

金銀鉤各七錢

髮灰一錢

蚕退紙燒灰一錢

乳香五錢另研

黑鉛七錢半用水銀七分半炒成砂

右共為細末以獐猪心血和丸如梧桐子大每服二丸倒流水送下如灌不下化開
灌之脩合此藥時勿令婦人孝子雞犬見之

產寶無憂散治分免難產及胞衣不下等証孕婦臨月預服此藥日進二服則子易生而胞
易落也

當歸酒洗

川芎

白芍藥各七錢

木香不見火

甘草各五錢

枳殼黃色

乳香各一錢

血餘灰四分

右為細末分作二服水一盞煎八分濾去粗溫服不拘時

產寶催生奪命如神丹

牡丹皮

枳殼麸炒

赤芍藥各一錢

蛇退二錢

青皮

阿膠珠

甘草炙

五加皮

芸臺子

貫衆

馬鳴退炙焦各半錢

花蕊石

火煨半錢

乳香 一錢另研

右為細末煉蜜丸如彈子大臨產細嚼一丸棗湯送下未產小頃又嚼一丸以產為度

良方芳歸湯一名佛手散治妊娠因事跌仆子死腹中惡露妄下疼痛不已口噤欲絕用此藥探之若子死腹中立便逐下若腹痛隨止子母俱安又治臨產難生胞衣不下及產後血暈不省人事狀如中風血崩惡露不止腹中血刺疔痛血滯浮腫入心經語言顛倒如見鬼神血風相搏身熱頭痛或似瘧非瘧一切胎前產後危急狼狽垂死等証並皆治之

當歸

酒洗去蘆一兩

川芎 七錢

右細切分作四服每服用水一盞煎水將乾投酒一盞半煎五七沸溫服如口噤幹開灌之如人行五里許再灌盡此四服便省立產神驗

產寶奪命丹治胞衣不下蓋兒之初生惡血流入衣中衣為血所脹塞故不得下須臾沖上逼心即死急服此藥

黑附子

半兩炮

牡丹皮 一兩

乾漆

二錢半研細炒烟盡為度

右為細末用米醋一升大黃末一兩同煮成膏和前藥末為丸如梧桐子大每服五

七九溫酒下

產寶黑龍丹治難產及胞衣不下血迷血暈等証

當歸

五靈脂

川芎

良姜

生地黄

已上各二錢細切入雞子壳內
紙筋鹽泥固濟火煨入後藥

百草霜

一兩

硫黃

乳香

各二錢

琥珀

花蕊石

各一錢

右件連前藥共為細末酒米糊為丸如彈子大如用時將一二丸仍用火煨紅為末以童子小便合酒調灌下垂死者灌三四丸即活其功不可盡述

產寶一方治胞衣不下

川牛膝

二錢

當歸

半錢

木通

三錢

滑石

四錢半

黃葵子

二錢半

右用水煎連進三四服立下

局方枳殼散妊娠八九箇月內胎氣壅滿常宜服之滑胎易產安和子臟益血舒氣

枳殼

五兩
炒黃色

粉甘草

炙一兩半

香附子

一兩
炒

右為細末每服二錢空心沸湯點服日進三服一方加糯米炒同為末白湯點服令兒易產初生胎氣微黑百日後肥白此為古方之冠若妊婦稍弱者單衣恐胎寒腹痛胎弱多驚於內加當歸一兩木香半兩不見火如此用之則陽不致強陰不致弱二氣調和有益胎嗣

產自妊娠初得以至臨月藥石禁忌歌

歌曰 斑水蛭及蠱虫 烏頭附子與天雄 野葛水銀并巴豆

牛膝薏苡連蜈蚣 三棱代赭芫花射 大戟蛇蛻黃雌雄

牙硝芒硝牡丹桂 槐花牽牛皂角同 半夏南星與通草

瞿麥乾姜蟹甲爪 硃砂乾漆無桃仁 地膽茅根莫用好

局飲食禁忌

雞肉合糯米食令子生寸白虫 食犬肉令子無聲 鮎鯉同雞子食令子生瘡蝕瘡

食兔肉令子缺唇 食羊肝令子多厄難 食蟹肉令子項短縮頭 鴨子與桑椹

同食令子倒生心寒 鮮魚同田雞食令子瘡瘡 雀肉同豆醬食令子面生雀卵斑

點 食螳蟹橫生 食姜牙令子多指 食冰漿令絕產 食雀肉飲酒令子多淫無

恥 食苡菰消胎氣 食驢馬肉過月難產 豆醬合霍菜食墮胎 食山羊肉令子

多病 食鰕鱖無鱗魚難產 食諸般菌生子驚風而夭 食雀腦令子患雀目 勿

妄服湯藥勿妄亂針灸勿過飲酒漿勿舉重登高陟險心有大驚子必癩癩勿多睡臥

須時時少步動和血脉勿勞力過傷使腎氣不足子必解顛腦破不合 衣毋太溫食

毋太飽若脾胃不和榮衛虛損子必羸瘦多病戒之戒之

外錄
臨產須知

一臨月不可洗頭以免橫生逆產

一懷妊十月已滿陰陽氣足忽然臍腹陣痛胎孕偏陷腰間重脹穀道挺迸漿水淋下其兒遂生此乃正產若當生自有其時如瓜熟蒂懸栗熟自落之類

一凡臨產宜擇年高有識穩婆及純謹婦人三四人扶持一應外來閑雜之人喪服穢濁之婦預宜杜絕勿令觸犯胎氣致產不利產後客氣犯兒亦主傷害

凡臨產房中不得喧鬧宜緊閉門戶靜以待生

一歲月滿足方覺腹痛不可驚動太早早則舉家霍亂上蓋問神巫覡之流稱說鬼神多方哄嚇謀利產婦聞之恐怖夫恐則氣怯氣怯則上焦閉下焦脹氣乃不行以致難產如犯此急宜服紫蘇飲以寬其氣

一凡臨月忽然腹痛或作或止或一日二日三五日胎水已來腹痛不密者名曰弄痛非當產也又有一月前忽然腹痛如欲便產卻又不產者名曰試月非當產也不問胎水來與不來俱不妨事但當寬心候時若果當產時腰腹痛極不已穀道挺迸眼眼中火出其時便產豈有或痛不痛欲產不產之候耶人多於此胡行亂做枉了性命可不慎歟

一凡初覺腹痛而腰不甚痛者未產也且扶行熟忍若行不得則凭物而立行得又行
一世人不知識但見腹痛纔作便謂生產坐婆踈狂者不候時至便言試水試水併胞漿
先破風入產戶以致腫脹門戶狹小乾澀難產

一將產之時產母甚痛不肯舒伸行動固執曲腰眠睡胎元轉動尋到生門已被遮閉
又轉又尋再三胎已無力決至難產

一初覺不痛且當任意坐臥勉強飲食毋致臨產乏力

一凡產母初覺欲生便須惜力調養不可妄亂用力兒身方轉便被用力一遍令兒錯
路以致橫逆須待臨到產門用力一遍兒即下生此所當用力也譬如登廁時候未
至用力何益

一凡產母如覺心中憤悶可取白蜜一匙溫水調服

一產母如覺飢餓可進以軟白粥不令飢渴以致乏力亦不可食硬飯糍粽恐產後有
傷食之病

一未產之先或煩渴欲飲水只可與清米飲飲之為佳

一凡產不可服催生符水況血得寒即凝血一凝則胎滯而反致難產夫催生符水蓋
是野道士求食謀利之設有何益哉

一凡產婦胞漿未下但當穩守無妨胞漿既破一二時後不生便當服催生藥要緊夫胞漿者本胞內養兒之水也兒既拆胞其水既下胎隨水而下則為易生胎元無力轉頭遲慢漿下即血來閉塞道路令子無路可通故難產也如用蜀葵子等破血之藥逐去惡血使兒得路而生故曰催生藥也

一凡催生多用滑利迅速之藥如 兔腦 筆頭灰 努牙 蛇退之類是也

二凡催生若見水血先下子道乾澀不能下者如 猪脂 油 蜜 酒 葱白 葵子 牛乳 榆白皮 滑石之類是也

三凡催生若稽停勞力之久風冷乘虛入於子宮使氣血凝滯而難產者如 牛膝

葱 桂 五積散 順元散之類

四凡催生有觸犯惡氣心煩燥悶難產者如 射香 朱砂 乳香 青竹茹之類

夫產育之難者皆由產婦不曾預聞講說生育道理臨事倉惶用力失宜遂有難產之危是故有逆產者則先露足有橫生者則先露手坐產者則先露其臀此皆用力太早之過夫當臍腹痛之初兒身纔轉而未順用力一遍遂致橫逆若手足先露者用細針刺兒手足心一二分深三四刺之以鹽塗其上輕輕送入兒得痛驚轉一縮即順生之矣或兒脚先下者謂之踏蓮花生急以鹽塗兒脚底又可急搔之併以鹽摩母腹上則正生矣

灸法治難產及胞衣不下急於產母右腳小指尖頭上灸三壯炷如小麥大立產
凡橫倒難產用蛇蛻一條全者蚕退紙一張右以二物入新甌瓶中鹽泥固濟燒存性
為末煎榆白皮湯入乳香同調服下則順生

又方治橫生先露手足

阿膠炒

滑石一兩

冬葵子一合

酥油一兩

每服四錢水一大盞煎至七分連進二三服

又方治橫逆不順子死腹中用

伏龍肝

灶心紅土也

右為細末溫酒調下一二錢其兒頭戴土而出甚驗

良方
礙產

凡兒身已順門戶俱正兒已露頂而不能生此因兒身回轉肚帶攀住兒肩不能下也治

法急令產母仰臥輕輕推兒向上徐徐引手以中指按兒肩下其臍帶仍須候兒身

正順令產母用力一送兒即下生 又法令穩婆款款分開臍帶外將紙撚

凡兒身向未順生路未正被產母用力一逼令兒偏生或左腿或右腿或臀或左右額

角雖兒身已逼產門而不能下但云兒已露頂非頂也治法當令產母仰臥看生人輕

輕推兒近上以手正其頭用力一逼即下若是頭之後骨偏拄穀道兒則露額當令

看生人以綿衣炙令溫暖裹手急於穀道外傍輕輕推兒頭令正然後用力一送兒即下生此名偏產

治盤腸產法 有臨產則子腸先出甚可驚恐治法以盆盛溫水溫潤其腸令產母仰臥且以言語安慰其心卻用好米醋半盞和新汲水七分攪勻忽嚙產母面或背則打頓而收每一嚙令一縮三嚙三縮腸則盡收矣合用參芪歸芎等大劑補藥加升柴防風之類以升舉之未有不安者也 又法急以草麻子去殼研細貼產母顙頂上即收一方治產難數日子死腹中不出母氣欲絕

瞿麥 六兩

通草 三兩

桂心 三兩

牛膝 四兩

榆白皮 四兩

一方無榆白皮有天花粉四兩大能墮胎

右細切用水九升煎取三升去粗分三服頓飲即下

又方牛膝丸下死胎

杜牛膝 三兩

紫金藤 七錢

肉桂 二錢

當歸 四錢

蜀葵根 七錢

射香 半錢

右為末米糊為丸如梧桐子大硃砂為衣每服五十九丸乳香湯送下

又方治子死腹中不出

用黃牯牛屎不拘多少塗母腹上立出 一云以牛屎炒令大熟入醋半盞以青布包裹於母臍上下熨之立下

又治子死腹中用雞子黃一箇生薑自然汁一合調勻頓服分免後用苦臺粥補之生子下血過多子死腹中增寒手指甲青面色黃黑胎上搶心悶亂欲死冷汗自出喘滿不食或食毒物或誤服草藥傷胎下血不止胎尚未損可安若已死即下極妙

牡丹皮

赤芍藥

桂心

薤仁

白茯苓

右各等分為細末煉蜜為丸如彈子大每服一丸細嚼淡醋湯送下連服數丸立驗
一方治胞衣不下

川牛膝

三錢

當歸身尾

二錢

木通

三錢

滑石

四錢

冬葵子

二錢半

右細切水煎連進二三服即下

丹溪活套云

凡婦人胎前諸疾只須以四物湯為主治看証加減調治 如覺腹中煩悶口苦厭食不問月數多少本方加白朮條芩砂仁煎服 如五六箇月後胎動不安或逆搶逼心本方加阿膠艾葉砂仁枳殼條芩白朮野芋根入金銀同煎服 如氣血虛心煩脈虛大無力或怔忡手戰及時有微熱本方加人參白朮黃芩甘草酸棗仁遠志麥門冬地

骨皮等藥

如五六箇月前無故下血或因事下血謂之漏胎本方加條芩白朮甘草

白芷茅根地榆桑寄生之類

如七八箇月前後面目及四肢浮腫本方加茯苓澤瀉

白朮條芩炒梔子厚朴甘草梢麥門冬之類

如孕中忽然口噤吐沫不省人事言語

錯亂本方合二陳湯加麥門冬竹茹遠志石菖蒲之類

如感冒風寒頭痛發熱或身

體疼痛本方合小柴胡湯或更加細辛白芷防風羌活等藥

如二三箇月內嘔吐惡

心不納飲食謂之惡阻本方去地黃加陳皮半夏麴砂仁神麴藿香麥芽陳倉米白朮

之類或因事動胎致胎不安動墮不已及下血欲墮本方加人參白朮白茯苓條芩

白芷桑寄生砂仁阿膠珠甘草等藥或時有白濁白帶本方加白茯苓陳皮蒼朮半

夏麴牡蠣龍骨之類

如無故腹痛瀉利清水或發熱胎動不安本方加白朮茯苓豬

苓澤瀉蒼朮訶子皮砂仁神麴乾姜之類

祖傳經驗秘方治難產瀝漿胞乾胎不得下用香油蜂蜜各一碗和勻用銅銚慢火煎一

二沸掠去沫調白滑石末一兩重攪勻頓服外以油蜜於母腹臍上下摩之立產

又方催生曾試甚驗用兔頭骨家貓頭骨各一箇烈火煨地上出火毒研為極細末每

服二三錢濃煎艾歸湯調下即產

又方治胞衣不下三退散

蛇退一條全者

蚕退紙一方

蟬退

四十九箇

用甌瓶盛燒存性細研順流水調服立下

婦人科下產後

論

內經曰一息不運則機絨窮一毫不續則窵壤判所謂氣血周流循環無端少有不續則身危矣若夫妊娠之婦子在腹中母子一氣流通全賴漿水滋養十月數足血氣完全形神俱備忽如夢覺自能用手拆胞求路而出既出胞外母子分體呼吸殊息其可急羈於內而使其氣化不運不續哉夫胎元壯健者胞既拆即隨漿而下故易產也其困弱者轉踴遲緩胞漿既乾汚血來塞道路凝滯是以橫生逆產子死腹中而產母之命死在須臾可不畏乎凡見將生之際胞漿既下踰時尚未分免便當彷徨設計用藥遂去惡血使子路通暢而無難產之患豈可袖手以待斃哉是故催生之藥即芩歸益母草冬葵子之類皆使之逐去汚血者也若腰腹未甚痛漿水少淋瀝而下名為試漿實非胞內真漿也且宜寬心守待切不可輕易便令穩婆接取產母用力逼胎太早多致橫逆不順切須謹慎其或先見手足不順者額偏露者但當以手輕輕撥正以待其自下可也若分免之後胞衣未下者猶為可懼宜多方用藥遂下甚不可令粗率之婦摘取嘗見有擗破尿管致終

身之害者有取下肝葉而產母隨時殞命者可不謹與若夫難產之婦皆是產前恣慾所致非獨難產且產後諸疾皆由是而生焉或有乍寒乍熱似瘧非瘧或大熱頭疼體痛如傷寒狀或卒中口噤如產如癇或左癱右瘓角弓反張或妄言見鬼心神惶惑或耳目口鼻忽覺黑氣如烟薰之狀或腹中作痛綿綿不絕已上諸証若非惡露未盡即是勞傷血氣大虛之証丹溪曰凡產前當清熱養血為主產後宜大補氣血為要雖有雜証以未治之此萬世不易之確論也雖然亦有離褥太早或澡浴身垢以致感冒風溼或多啖雞子糍粽難消之物皆能惡寒發熱變証多端醫者宜潛心診察脈候以扶危拯急不可苟且妄治以夭折人之天年也

脈法

脈經曰新產婦人有三病一者病瘧二者病鬱冒三者大便難云師曰亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒而欲解必大汗出以血虛下厥孤陽上出故但頭汗出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也小柴胡湯主之病解能食七八日而更發熱者此為胃熱氣實承氣湯主之

婦人產後七八日無太陽証小腹堅痛此為惡露不盡四五日不大便趺陽脈微實再倍

其人發熱日晡所煩躁者譫語不能食利之即愈宜承氣湯以熱在裏結在膀胱也

按丹溪曰產後宜大補氣血為主雖有雜証以未治之又曰產後不可汗下和以仲景治傷寒法用承氣小柴胡等藥欲退產後之熱恐非至到可法之語姑述於此以與賢者共議而據擇之可也

丹溪曰產前脈細小產後脈洪數皆死又曰產前脈當洪數既產而洪數如故豈得不死此亦

大藥言之今見產後豈無脈洪數而生者

方法

丹溪方法凡十六條

丹溪曰產後當大補氣血為主雖有雜証以未治之

產後補虛用參朮黃芪陳皮歸身尾川芎炙甘草如發熱輕則加茯苓淡滲之其熱自除重則加乾姜或云大熱而用乾姜何也曰此熱非有餘之邪熱乃陰虛生內熱耳蓋乾姜能入肺分利肺氣又能入肝分引眾藥生血然必與補陰藥同用之此造化之妙非天下之至神其孰能與於此哉

產後發熱惡寒或口眼歪斜等証皆是血氣虛甚當以大補氣血為主治左手脈不足補血藥多於補氣藥右手脈不足補氣藥多於補血藥切不可用小續命湯表散之劑產後惡寒發熱腹痛者當去惡血若腹不滿者非惡血也

惡露不盡小腹作痛名兒枕痛用五靈脂香附為末醋糊凡甚者加留失桃仁一云用神

麴糊凡白朮陳皮湯下氣虛者四君子湯下

治血刺痛用當歸乃和血之法若因積血而刺痛者宜桃仁紅花當歸頭之類血在下焦當用歸尾

產後血運用韭菜細切盛於有嘴瓶中以滾醋沃之急封瓶口以瓶嘴納產婦鼻中即甦

或用梓槌及磚石燒紅投醋中薰之亦良法也

又方用鹿角一段燒存性出火毒為末酒調灌下即醒
血運因氣血俱虛痰火汎上作運二陳導痰隨氣血加減硃砂安神丸亦可服以麥門冬湯下

一方治血運

人參一兩

紫蘇半兩

右細切童便酒水三物同煎服

嚴氏清魂散治產後血運昏不知人

澤蘭葉

人參各一兩

荊芥穗四兩

甘草錢八

川芎二兩

右為細末每服二錢溫酒入童便調下更用漆器燒烟薰之頻置醋炭更服此藥

丹愈風湯治產後中風口噤牙關緊急手足瘳癱角弓反張

荊芥穗

當歸各等分焙乾

右為細末每服三錢豆淋酒調下童便亦可 豆淋酒用大黑豆不拘多少炒焦投

好酒中

新產後不可用芍藥以其酸寒能伐發生之氣也

產後乳汁不通用通草七分瞿麥柴胡天花粉各一錢桔梗二錢青皮白芷木通赤芍藥連翹甘草各半錢作一貼水煎食後細細飲之更摩乳房或無子食乳者要消乳用麥蘗二兩炒分作四服白湯調下

產後泄瀉利用陳皮白朮茯苓酒炒芍藥黃芩滑石炙甘草煎服立効 一方無

甘草有乾姜

按二物皆不可缺

凡乳母但覺小水短少即是病生便須服藥調治蓋兒飲母乳母安兒安防患未形治法之善者也

有產婦因收生者不謹損破尿脬而致淋瀝不禁因思肌肉破尚可完補診其脈虛甚蓋難產因氣血虛故產後猶虛試與峻補以參朮為君芍歸為臣桃仁陳皮黃芪茯苓為佐以猪羊脬煎湯熬藥汁極飢飲之一月而安蓋氣血驟長其脬即完恐稍遲亦難成功也

局方黑神散治產後惡露不盡或胎衣不下血氣攻冲心腹疼痛及血迷血暈等証

黑豆炒半升

熟地黄

當歸酒浸洗

肉桂去粗皮

乾姜炮

甘草炙

白芍藥

蒲黃各四兩

濟生方無蒲黃有附子

右為細末每服二錢童便和酒調服

產人參當歸散治產後去血過多血虛則陰虛陰虛生內熱令人心煩短氣自汗頭痛

熟地黃

人參

當歸身

肉桂

麥門冬

白芍藥

炒各一錢

右細切作一服入淡竹葉五片生薑三片水煎服

產當歸黃芪湯治產後失血過多腰痛身熱自汗

當歸身

三錢

黃芪

二錢

白芍藥

一錢半炒

右細切作一服水一盞半加生薑三片煎至一盞溫服

失笑散治產後心腹疼痛欲死及兒枕痛

蒲黃

炒

五靈脂

各等分

右為細末每服二錢熬成膏白湯化下

產三聖散治兒枕痛

當歸

肉桂

玄胡索

各等分

右為細末每服二錢熱酒或童便調下

產抵聖湯治產後血氣傷於脾胃腹脇滿悶嘔逆惡心

赤芍藥 半夏 澤蘭葉 陳皮 人參各二錢 甘草一錢

右細切作一服入生姜三片水煎服之

良方當歸羊肉湯治產後發熱自汗肢體疼痛日久不愈名曰褥勞

當歸身 人參各七錢 黃芪一兩 生姜半兩

右細切用羯羊肉一斤煮取清汁五大盞去肉粗入煎藥慢火煮取四盞分六服徐

徐飲之

產寶茯苓散治產後心虛怔忡不定言語錯亂

人參 甘草 山藥 當歸各一錢 遠志 茯苓 桂心

麥門冬各半錢

右細切作一服加生姜三片大棗一枚水一盞半煎至一盞去粗溫服

產寶當歸散治產後氣血俱虛恐增客熱宜服此以去惡露

當歸 白芍藥 川芎 黃芩各一兩 白朮半兩

右為細末每服二錢童便入溫酒調下

產寶黃芪湯治產後虛汗不止

黃芪二錢 白朮 防風 熟地黃 牡蠣粉煨 白茯苓 麥門冬

炙甘草 各半錢

右細切作一服加大棗一枚水煎服

方增損四物湯治產後陰虛發熱或日間明了暮發寒熱

當歸

川芎

生地黃

柴胡 各等分

右細切每服五錢水一盞半煎至一盞溫服

方良四物一黃散治產後腹中血塊作痛

當歸 炒

川芎 炒

熟地黃

白芍藥 炒各半兩

蒲黃 炒二錢半

右為細末每服二錢空心溫酒調下

產寶黑龍丹治產後一切血疼垂死者但灌藥得下無有不安者

五靈脂

生地黃

當歸

川芎

高良姜 各二錢

右細切用砂鍋一箇盛藥外以赤石脂為細末醋調封縫又以紙筋鹽泥固濟文武

火煨過置地上出火毒研細入後藥

硫黃 一錢半

花蕊石 另煨一錢

乳香 另研一錢半

琥珀 另研一錢

右同前藥共為極細末醋糊為丸如彈子大每服一丸用生姜自然汁無灰酒各一合量便半盞合和將藥於炭火上燒紅投入姜酒內研散頓服立效

產烏金散治產後血迷血運敗血不止淋瀝不斷臍腹疼痛頭目昏眩多汗無力及治崩

中下血不止

麒麟竭

亂髮

皂莢水洗淨

松墨

煎醋碎

百草霜

當歸

去蘆

肉桂

去粗

皮

赤芍藥

延胡索

鯉魚鱗

燒存性

右各等分為細末每服二錢溫酒調下

產實調經散治產後虛浮蓋敗血乘虛停積府藏流注肌肉腐壞成水令人面目四肢浮腫

切不可用導水泄利之藥是謂重虛其虛多致夭亡此藥主之

沒藥

一錢另研

琥珀

一錢另研

桂心

赤芍藥

當歸

各一兩

細辛

半兩

射香

半錢另研

右為細末每服一錢匕姜汁溫酒童便和調服之

產實正脾散治產後通身浮腫及治婦人大病後脾氣虛弱中滿腹脹等病

蓬莪朮

炮

香附子

童便浸

茴香

甘草

炙

陳皮

右各等分為細末每服二錢燈草木通湯下

良方柏子仁散治產後譫言妄語皆心血虧欠心神不守所致

柏子仁

遠志

去心

人參

去蘆

桑寄生

防風

去蘆

琥珀

另研

細

當歸

熟地黄

甘草

炙

右各等分細切每服五錢先用白羊心一枚切片以水一大盞半先煮至九分去羊心入藥末五錢煎至六分去滓溫服不拘時

良方琥珀散治產後瘀血攻心迷悶妄言見鬼

琥珀

鐵粉各一兩

人參

茯神

生地黄

阿膠珠各七錢半

硃砂

錢五

甘草

射香各一錢另研

右為細末和勻每服一錢用金銀煎湯調下

局方交感地黄煎丸治產後舌強不語眼見黑花或發狂見鬼及胞衣不下心腹脹滿等証

生地黄

新掘者

生姜

各二斤各用石臼杵細以布絞去汁留粗以新瓦各炒乾

當歸去蘆一兩

延胡索一兩

炒

蒲黃炒香四兩

琥珀

一兩另研

右為細末煉蜜為丸如彈子大每服一丸煎當歸湯化下食前服

局方七珍散治產後不語

人參

石菖蒲

川芎

熟地黄各一兩

細辛一錢

防風

五錢去蘆

右為細末每服一錢匕薄荷湯調下不拘時服

局方調中湯治產後瀉利臍腹痛六脈沈細

高良姜

當歸

桂心

白芍藥

附子

炮去皮臍

川芎

各一錢

甘草 炙半錢

右細切作一服加生姜五片水一盞半煎至一盞溫服

局方定痛散治產後惡血不盡腹中作痛

當歸 芍藥各二錢 肉桂 一錢

右細切作一服酒水合一盞半生姜五片煎至一盞服

局方麻仁丸治產後大便秘結

麻仁 去壳 枳殼 人參 大黃 當歸 各等分

右為細末煉蜜為丸如梧桐子大每服二十九丸白湯下未通漸加丸數以便潤為度

局方羊肉湯治產後腹中虛痛氣血不足羸弱力倦及寒月中生產寒氣入於產門臍下脹

滿手不可犯此寒疝也此藥主之 此方乃張仲景之方曾試極驗

精羯羊肉 四兩 當歸 二兩 生姜 一兩 陳皮 二兩

右細切水三碗酒一盞煎至一碗去粗分二服加葱鹽亦可

局方滋腸五仁丸治產後血氣虛損大腸閉澀傳道艱難

杏仁 去皮尖 桃仁 如上一兩 柏子仁 半兩 松子仁 二錢 郁李仁 一錢

炒 橘紅 各一兩 別研為末

右五仁另研為膏合橘皮末和勻再研煉蜜丸如梧桐子大每服三十九加至五六
十丸食前清米飲下一方加當歸梢五錢

局方固經丸治產後血氣未復而有房事及勞役損傷致血暴崩或淋瀝不止

沒藥

赤石脂

補骨脂

木賊

各半兩

附子

一隻炮去皮臍

右為細末米糊為丸如梧桐子大每服二十九溫酒下或陳米飲下

局方熟乾地黃散治証同前亦治婦人一切崩中下血不止頭目沈重

熟地黃

一錢半

甘草

一分半

蒲黃

炒黑色半錢

蟹爪

微炒一錢

白茯苓

半錢

桂心

二分半

阿膠

一錢炒得鹿角膠尤妙

白芍藥

半錢

伏龍肝

七分半

昆布

男子經絡也一錢燒存性

當歸

一錢

右細切作一服入竹茹一錢用水二盞煎至一盞溫服

局方拒勝湯治產後腹脹滿悶嘔吐不定蓋敗血入於脾胃而脾不能運化故胃不能納穀

以致嘔吐腹脹等証

赤芍藥

半夏

炮七次

澤蘭葉

人參

去蘆

陳皮

去白各一錢

甘草

炙一分

右細切作一服加生姜三片水一盞半煎至一盞溫服

局方八味理中丸治新產血氣俱傷藏府暴虛體弱多汗一百日內常服壯氣補虛止嘔吐

人參

去蘆 一兩

甘草

兩半

乾姜

炮 一兩

白朮

二兩

砂仁

一兩

白茯苓

一兩

麥蘖

炒 一兩

神麴

炒 各一兩

右為細末米糊為丸如梧桐子大每服三十丸食前姜湯下有痰者宜加半夏麴

旋覆花湯治產後感冒風寒咳嗽喘急痰涎壅塞坐臥不能

前胡

麻黃

去節

杏仁

去皮尖 炒研

五味子

茯苓

甘草

炙

旋覆花

半夏麴

別芥穗

赤芍藥

各半錢

右細切作一服加生姜三片大棗一枚水一盞半煎至一盞去粗溫服

四神散治產後留血不消積聚作塊急切疼痛下利不止

當歸

去蘆

乾姜

炮

川芎

赤芍藥

各半分

右為細末每服三錢溫酒調下

當歸養血丸治產後惡血不散發熱腹痛及惡露不盡臍腹堅脹兼治婦人室女經候

不調赤白帶下腹脇疼痛

當歸

去蘆

赤芍藥

各四兩

牡丹皮

桂心

炒

延胡索

炒 各二兩

右為細末煉蜜丸如梧桐子大每服三十丸或酒或米湯任下

產豬腎子飲治產後勞寒熱如瘧咳嗽頭疼自汗體瘦腹中疝痛

猪腰子一對切作四片 當歸 白芍藥各一兩

右以當歸芍藥二味細切用水三碗煮至二碗去粗將腰子切碎如骰子狀入煎藥汁內用晚粳米一合香豉一兩葱白五七根同煮糜爛空腹食之日進一服

產寶當歸黃芪飲治產後陰脫 謂陰戶中宮脫下也

當歸 白芍藥 黃芪 人參各二錢 升麻半錢

右細切作一服水煎溫服未收再服

產寶當歸散治婦人陰脫又名疝癰

當歸 黃芩 白芍藥各一兩 蝟皮半兩燒存性 牡蠣煅二兩

右為細末溫酒或米湯調下忌登高舉重

產寶桃仁膏治產後陰疼煩悶

桃仁 五味子 枯礬 為末研桃仁膏拌敷

產寶硫黃湯治產後玉門不斂

硫黃四兩 吳茱萸 兔絲子各一兩半 蛇床子一兩

右細切每服四錢水一碗煎湯頻洗之自斂

婦人乳汁不通有二種有血氣壅盛乳脈滯而不行者有血氣虛弱乳汁絕少者夫虛

者補之用鍾乳粉豬蹄鯽魚之類盛者行之用通草漏蘆土瓜根之類方見於後
寶漏蘆湯治婦人肥盛氣脈壅滯乳汁不通或留結為壅腫痛將欲成膿者

漏蘆二兩

蛇退炙一條

土瓜根十根切片炒焦

按土瓜當作王瓜禮記月令四月王瓜生即此物也其實如瓜蔓而小如荔枝色黃藤莖葉圓無缺者是

右為末每服貳錢酒調下仍吃熱羹湯助之

產鍾乳散治婦人氣虛血少脈澀不行乳汁絕少

鍾乳粉細研

每服二錢濃煎漏蘆湯調下

局母豬蹄湯治乳汁不通

母豬蹄一隻

通草四兩

用水一斗煮取四五升取汁飲之未下更作一料

服之

丹溪活套云


新產不可用芍藥以其酸寒能伐發生之氣十日之只以黃芪四物湯為補虛之要藥

以黃芪易芍藥是也如氣虛者本方加參朮茯苓甘草發熱者加乾姜自汗多者

少用川芎勿用茯苓倍蜜炙黃芪如口渴加五味子麥門冬如腹痛者非芍藥不可

雖新產亦用但以酒炒不妨如惡露不盡作痛四物湯煎調香附五靈脂末服甚者

加桃仁泥四五分 新產子宮未斂作痛名兒枕痛又名瘕母塊痛用醋炒芍藥棗殼甘草水煎入少米醋或以三物為末醋湯調服酸以收之之義也 產後有惡血不去發寒熱成癥瘕者四物湯加三稜蓬朮乳香沒藥香附五靈脂乾漆桃仁紅藍花之類 產後腹痛不息宜四物湯加烏藥香附桂心高良姜陳皮童便和醋煎服甚效 產後月餘經血淋瀝不止四物加白芷升麻調血餘灰 產後陰痛四物加藁本防風 產後通身浮腫四物加乳香沒藥桂心木通大腹皮高良姜血竭栴榔海金沙 產後子腸不收八物湯加升麻防風須以酒炒黃芪為君 產後中風口眼歪斜八物加附子荆芥少加防風羌活煎服



4944
1984
v. 7